

Perut Ulu persoal hak Tua Waris Perut Hilir ^{26/2/8.}

SEREMBAN, Rabu —
Tua Waris Perut Hilir,
Datuk Maharajalela
Zamhari Haji Abdul Rah-
man, tidak layak
mengendalikan urusan
pemilihan Datuk Kelana
(Undang Luak Sungai
Ujong) ke-10 kerana be-
liau bukannya seorang
Lembaga, kata anak-
anak Waris di Darat da-
ripada Perut Ulu hari ini.

Ini kerana pesaka Da-
tuk Maharajalela hanya
bertarafkan Tua Waris
dan bukannya seorang
Tua Lembaga Waris di
Darat atau Lembaga Tua
Tiang Balai Luak Sungai
Ujong, kata jurucakap
anak-anak Waris di Da-
rat daripada Perut Ulu.

Menurutnya, aturan
adat dan pesaka Luak
Sungai Ujong dengan je-
las menggariskan baha-
wa urusan pemilihan Da-
tuk Kelana ke-10
hendaklah dikendalikan
oleh Datuk Andika Men-
delika Fadzil Nordin.

"Ini adalah selaras
dengan kedudukan Da-
tuk Andika Mendelika
Fadzil selaku Tua Lem-
baga Waris di Darat dan
Lembaga Tua Tiang Ba-
lai Luak Sungai Ujong.

"Oleh itu, soal Datuk-
Datuk Lembaga Waris di
Darat memberikan man-
dat kepada Datuk Maha-
rajalela Zamhari untuk
mengendalikan urusan
berkenaan tidak timbul
sama sekali," katanya
dalam kenyataan kepada
Berita Harian di sini.

Sehubungan ini, beliau
menjelaskan segala per-
buatan Datuk Maharaja-

dak sah kerana ia ber-
canggah dengan aturan
adat sebenar.

Ini termasuk tindakan
beliau menghantar surat
kepada Menteri Besar,
Datuk Mohd Isa Haji Ab-
dul Samad, pada 20 No-
vember tahun lalu supa-
ya menasihatkan Dewan
Keadilan dan Undang
Negeri Sembilan menge-
nai penentuan tarikh per-
lantikan Datuk Kelana
ke-10.

Sambil mempertikal-
kan kuasa Datuk-Datuk
Lembaga Waris di Darat
memberikan mandat ke-
pada Datuk Maharajale-
la Zamhari, jurucakap
itu juga menafikan baha-
wa anak-anak Waris Pe-
rut Ulu turut menghadiri
kerapatan adat di Balai
Undang Luak Sungai
Ujong di sini pada per-
tengahan tahun lalu.

Bagaimanapun, beliau
tidak menolak ke-
mungkinan kerapatan itu
dihadiri oleh anak-anak
Waris yang bukan dari-
pada kalangan Waris Ne-
geri Perut Ulu yang sah
di segi aturan adat.

"Oleh kerana kerapa-
tan itu tidak dihadiri oleh
anak-anak Waris Negeri
daripada Perut Ulu yang
sah, maka segala keputu-
san yang dicapai adalah
juga tidak sah di segi atu-
ran adat dan pesaka
Luak Sungai Ujong," je-
lasnya.

Raja Abdul Rahim di-
lantik sebagai penyan-
dang pesaka Datuk Kela-
na ke-10 dalam satu
istiadat yang ditaja oleh
Datuk Andika Mendelika